

Ny Valosoa sy hadihady

Fitondrana Rajoelina

Bevava fotsiny nefo tsy mahavaha olambahoaka

Tsy mbola nisy vahoaka malagasy fadiranovana toy izao hatramin'izay nisian'ny firenena malagasy. Olom-bitsy mpanefoefo malagasy sy teratany vahiny no mitavana ny harena eto, sy migalabona amin'ny fiadanam-be, fa ny sarambabem-bahoaka maro an'isa miaina Lalina ny fahantrana. Izany manjo azy izany indray koa dia mbola miampy ny fanilihana mangina azy eo amin'ny tany onenany. Manomboka tsy ho tompon'ny taniny intsony ny Malagasy tato anatin'izao fitondrana Rajoelina izao. Hatramin'izay naaha teo amin'ny toerany an'izao fitondrana izao tato anatin'ny efatra taona latsaka izao, dia tsy nitsahatra ary niseho lany ny fanilihana mponina amin'ny tany nonenany efa aman-taonany maro, misy aza efa ho aman-jatony mihitsy toy izay nitranga farany tany amin'ny faritra noresahan'ny haino amanjery andro vitsy lasa izay. Tsy maintsy misy hatrany mponina mitaina saika isan-kerinandro, fa misy milaza ho tompon'ny tanin'izy ireo, ary dia manao antso avo hatrany amin'ny filohan'ny Repoblika izy ireny ny ankamaroany. Hatreto anefa tsy hita ho nihetsi-bolomaso amin'izany ity iantsampazana. Tsy mbola naheoina na iray aza, fa namaha ny olan'izy ireny ity nanaovana antso sy nitarainana ity. Antso diso fiantefika ve? Sa voafitaka bevava tamin'ny fampielezankevitra sy fihetsika fony izy mbola tsy teo amin'ny fitondrana? Tsy ireo ihany aloha no sokajin'olona voafitaka fa maro.

Ny tsikaritra hatreto, tsy mbola nilamina ny olan'ireny

mponina maro samihafa manerana ny Nosy ireny. Vahoaka tsy misy mihitsy. Tsy lavina ary iaraha-mahita, fa miseho ho mapiro ery ireo vahoaka ireo ny solombavambahoaka misahana ny momba ny fanantan-tany eo anivon'ny Antenimierampirenenana. Manangam-bovona sy miaka-peo mafy mihitsy aza indraindray rehefa henjana ny raharaha amin'ny resaka adin-tany. Fa hatreto koa, tsy hita mazava izay nison-gadina amin'ny fiarovana ireny vahoaka ireny. Anisan'izany, ohatra, ny olan-tany manjo ny mponina eny Antanandrano noho ny atao'n'ny karana mpangorokarena eto amin'ity firenena ity, kanefa hita ho tsy nahahovoka ary karazany niala maina ilay solombavambahoaka. Tsy voaarony ny vahoaka.

Mijaly amin'ny saika ny sehatra rehetra ny sarambam-bahoaka amin'izao fotoana izao. Mifehy kibo mafy izy isan'andro miatrika ny fainany, izay toy ny mandeha ihany ny fahitana azy kanefa rehefa dini-hina Lalina mifono olana matevina. Ezaky ny vahoaka malagasy manokana anefa izany, fa tsy misy asan'ny fitondrana. Ny fitondrana izay karazany mitazam-pot-siny sisa, toy ireo polisy mpandrindra fifamoivoizana anaty fitohanana henjana ny zava-misy. Izany no fainan'ny vahoaka malagasy ankehitriny izay tsy antenaina hisy fihatsarany mandrapahatapitr'izao fe-potoana iasan'izao fitondrana izao.

Sôh'son

Antsojay atao amin'ny mpanolotsainan'ny tananana'ntanana, avy amin'ny IRK, Clemence Raharinirina, mihemotra amin'ny 24 mey ho avy izao indray ny fo-toam-pitsarana. Fitsarana ny raharaha nisamborana azy teny Ankorondrano, avy eo notazonina teny Fiadana, ary ny hariva dia navotsotra izy tamin'izay fo-toana izay. Ny talata teo indray ity mpanolotsaina ny tanana ity no niakatra fitsarana tetsy Anosy, voatery na-hemotra indray izany fotoam-pitsarana izany, satria tsy tonga ny mpitory. Manoloana izany, nisy ny fanambara nataon'i Clemence Raharinirina." Isaorana mita-fotafo foana ny mpanotrona, isan'izany ireo solontena avy amin'ny Fikambanana marobe. Isaorana koa ny depiole TIM, ny vehivavy TIM ary ny mpanolotsaina TIM, isan'izany ireo miara-toriana amiko amin'ny 09 mey, noho ny ambara fa fanalam-baraka amin'ny TV sy FB. Izay vao avy notovanana hoe fanompana vari-raraka hono. Tsy adinoko ny misaotra ireo mpisolo Vava. DIA MANARARAOTRA MIARAHABA IREO NAMANA MPANAO GAZETY KOA AMIN'IZAO ANDRO NATOKANA HO AN'NY FAHALALAHAN'NY ASA FANAOVAN-GAZETY IZAO. HO TANTERAKA TOKOANIE IZANY FAHALALAHANA IZANY." hoy Clemence.

Stefan



Clemence Raharinirina (ankavia) teny amin'ny fitsarana Anosy ny talata teo.

TOMONKALO

HO FAMPAHEREZANA IREO MPANOLOTSAINA TRATRY NY ANTSOJAY

Mitohy hatrany ny antsojay sy fanamparam-pahefana, Izay atao'ireo mpitondra sy mpitantana tanana, Saingy ny asany maloto, hidofotra amin'ny rindrimbe, Ka mahereza re ry ekipa miaraka amin-dRaCle.

Ireo ilay efa lany lainga, tsy mahita izay hatao, Ka dia ny hitany hiadiana, vehivavy toa anao.

Tsy mahataitra antsika izany fa ny teninay dia hoe: Na mbola injato ianao no antsoina, mahereza RaCle.

Mpitondra tsisy kalitao ireo miedinedina eo ireo. Tofoka azy ny vahoaka, tena boboka sy leo.

Ny fanovana izao no ilaina, tsy izy intsony i Vazahabe. Ianao no hitarika an'izany, mahereza RaCle.

Ny eto larivo aloha no hita sy mazava be ny sary, Saingy n'aiza n'aiza aleha, tsy misy zavatra manjary. Koa mitaona ihany koa sy mba manentana an'ise: Tohano ireo mpanolotsaina miaraka amin-dRaCle !

Rajepa